

沈乃文 主編

明別集叢刊 第一輯

第七十二冊

黃山書社




沈乃文 主編

明別集叢刊 第一輯

第七十二冊

黃山書社



(明) 吳儼撰

吳文肅摘稿四卷

清乾隆寫文淵閣四庫全書本

欽定四庫全書

集部

吳文肅摘稿卷一

詳校官監察御史曹坦

中書臣劉源溥覆勘

總校官中書臣朱鈐

校對官原任編修臣勵守謙

謄錄貢生臣黃嵩齡

欽定四庫全書

集部六

吳文肅摘稿

別集類五明

提要

臣等謹案吳文肅摘稿四卷明吳儼撰儼

字克溫宜興人成化丁未進士官至南京禮

部尚書謚文肅正德初儼主順天鄉試以為

臣不易命題為劉瑾所怒以飛語罷去瑾誅

乃復進用其程文今在集中存其事也其集

欽定四庫全書

吳文肅摘稿

初藏於家至萬歷甲申同邑王升武進莊煦

及其從孫達可為選而存之其孫士遇始刊

板故名曰摘稿史稱儼性方嚴操履清慎為

文章莊重簡古詩詞清麗可諷今觀所作當

何季未出以前猶守明初舊格無鉤棘塗飾

之習其才其學雖皆不及李東陽之宏富而

文筆春容詩格亦嫻雅往往因題寓意不似

當時臺閣流派沿為膚廓雖名不甚著要與

東陽肩隨亦勝之斯也乾隆四十二年九月
恭校上

總纂官_臣紀昀_臣陸錫熊_臣孫士毅
總校官_臣陸費瑔

欽定四庫全書

吳文肅稿
提要

二

欽定四庫全書

吳文肅稿卷一

明 吳儼 撰

五言古詩

送高舜穆宰瑞安

嘗聞陶隱居燒丹白雲嶺所志在神僊不落死生境至
今煩邊人相傳事幽屏出關見縣吏退避匿形影君今
往治之順俗須清靜勿求上官知而乃事威猛威猛民
不堪舉目視前甯譬如沒浸井不煩用修綆又如煮小
鮮不煩用牛鼎鼎大火易燔綆長勢難整清靜兩言中
味之覺雋永

題畫屏次國賢韻

少年誦詩書心恒慕伊周蹉跎成老大白髮上我頭作
羹不為梅濟川不為舟金馬石渠間強陪英俊遊去年
歸故山幸得兩月留坐石聽啼鳥持杯發清謳豈敢肆
雄辯萬物移春愁自從到京國仍懷杞人憂故山不能

見畫中容可求

長橋跨蛟溪青山繞四周聞君年少時扁舟泊溪頭臨深戒
在心坐卧不出舟於今二十年乃復思追遊追遊不可得官
職相牽留溪上採蓮曲山中採芝謳採芝貴及春採蓮貴及
秋秋無蛟龍害春無虎豹憂二者不可兼問君欲何求

譽竹

勿謂吾竹瘦竹瘦形乃奇潛龍月下影老鶴風前姿雲
丘有帝竹其種舜所遺一節可為船維楫將安施況我
未眼見傳聞猶可疑何如此瘦竹真作俗士醫挺挺若
骨立森森如直緒萬古孰同節西山饒伯夷

靈壽杖為羅進士父賦

嘗聞靈壽杖似竹還非竹天然合尺度而自有節目漢
庭賜孔光不稱三公服今歸羅隱君始脫泥塗辱暫曳
過崕峒終携入盤谷扶顛與持危要不藉僮僕赤藤苦
不堅桃竹頗類俗草木若有知安能不羞縮但恐君力
強棄置倚牆屋蛟螭見光怪雷電時相逐

題陳明之畫桃

蟠桃在海中去此幾萬里西橫一枝來累累生九子九
在易之陽一乃數之始從一至百千其算猶未已陽雖
有老少中各含生理祝壽更祈男畫意或如此

湘水飛雲為徐廷用主事賦

湘水有白雲飛飛無定止朝從水東生暮向水西起東
西浩無涯要不離湘渌游子在長安去湘八千里望雲
雲不知吾寄吾思耳他山豈無雲吾親不在彼湘水豈

欽定四庫全書

吳文肅稿

三

不遙白雲長戀此朝暮望不休變化安可擬或薄如輕
綃或積如結綺或碎如衣穿或亂如旗靡或如鳥翼張
或如魚鱗比或如馬脫銜或如車就軌或如神仙人冠
服盡奇詭或如禮法士弁冕而端委郁郁復紛紛千里
猶尺咫高山不礙目况乃隔城壘願言借長風吹我渡
湘水長風軟無力不能移步跬願言隨飛鴻直入湘雲
裏飛鴻有長翮我乃無短羽望之若可親即之又不邇
何日得依雲不以望為喜我作飛雲篇聊以代陟屺

贈決姪

家有二頃田負郭仍膏腴城有五畝宅繞屋皆桑榆客
來一斗酒不則飯一盂僮奴足使令而不親樵蘇高眠
日晏起州縣無追呼試問舉族間盡有此樂無

國賢示和陶止酒詩因次其韻

吾飲苦不多不待戒而止止不在多言戒在方寸裏五
斗可解醒古人給妻子不飲固鮮歡劇飲亦何喜從容
五七行客散主亦起飲與不飲間乃自有至理獨醒似
絕人沈湎必傷已有德以將之庶幾其免矣糟丘本無
山酒池焉有涖不醉不醒人寥寥百千祀

國賢再和以止酒意出楊太常復用韻

和陶復和陶止酒亦云止君不慕子雲胡為相表裏太
常日日齋以禮拒妻子君不屬禮官胡為共悲喜紛紛
止酒人暮止朝仍起不如吾少飲終亦無醉理文士多
尚同達人惟任已趣舍既殊途發言斯異矣吾嘗夢醉
鄉曠遠無涯涘世復杜康家不廢劉伶祀

送凌志學

君性巧過人乃自謂養拙豈惡人間世紛紛學姦諂行
拙常欲方言拙常欲訥出門拙何為不學事干謁北窓
日高眠詩書自怡悅文格不隨時自咲眩三折竭來試
校職就補贊皇缺但得祿代耕莫問官冷熱况此函丈
間論議皆時哲春乘帳下風夜立門前雪豈無惡巧者
為拙傳衣鉢

竹居為子雨父賦

結廬在深巷瀕水仍栽竹豈無閒隙地可種奇花木惡
彼競春妍愛此凌寒綠主人好藏書架插三萬軸扶冊
就清陰自課諸郎讀業成獻琅玕萬言猶未足殺青日
無虛坐見長林禿

送王成憲分韻得帶字

王君名真愚惡世多狡獪千金為卜隣喜我愚相類彼
此兩忘形送迎嫌瑣碎客或不具冠主亦不束帶有時
呼濁醪對酌取同醉般核隨有無盤飧戒奢忤古人縱

真率要不過吾輩君今別我行拂衣何絳繅豈憶秋江
寒鱸肥正堪贈攜李有青襟一一待品裁既無州縣勞
亦鮮簿書債教育得英才君心豈不快嗟我愚無徒獨
行恐招悔騰馥與殘膏何由復沾丐臨岐對樽酒不飲
發長嘅

送徐三母舅

我觀天下人一一皆有母獨我無母兒少小依諸舅竭
來幸長成恒不侍左右微官遠鄉閭薄祿應升斗舅從

欽定四庫全書

吳文肅公集

六

江南來出迎急奔走扶掖上高堂百拜九頓首開樽呼
小童具饌命新婦嬰兒喜牽衣效我前為壽豈是骨肉
情天然知所厚歡聲動比隣自卯飲至酉人生百年中
此樂良不偶舅呼我來前我樂汝知不見汝猶見娣意
豈在樽酒樂極翻成悲又恐別不久隴風吹薄衣斜陽
掛衰柳恨無魯陽戈匆匆遽分手昔日渭水陽今朝潞
河口世異情不殊所乏惟瓊玖

除夜喜丁生餉酒戲用東坡饋歲韻呈景鳴汝礪

結髮事詩書常以酒為佐買書不論錢得酒寧復貨書
多酒滿缸不慕官職大天寒研生冰飲劇餅屢卧光陰
箭脫弦豈但蟻行磨不飲復不吟落莫可能過送酒兩
隣翁對酌相慶和

送董訓導思學

董子漢大儒正誼不謀利君為幾代孫家學尚未墜下
帷誦詩書世事不挂意焚膏補日力汲汲求道義先達
每指云是必清廟器安知古鼎彝不弼今市肆計偕來

欽定四庫全書

吳文肅公集

七

京師再就彤庭試拜官復儒冠刀筆恥為吏月俸縱云
薄尚可供糗糒何必公與卿然後可行志吾知函丈前
亦自有公事師生論議中豈獨在文字八閩善人多春
風應達被象賢古所稱知君諒無愧

次匏菴先生版屋韻

達官宜高居胡為喜卑下豈是三命餘動欲循墻者天
予固甚豐自取恒欲寡何必大厦成而後虛三瓦無梁
架椽題無牖飾丹楮惟有牕隙中尚能通野馬鬼瞰非

所憂客來可延坐看雲數捲簾看月疑乘舸溫煖不知
冬通明復宜夏有書常滿床有酒常盈尊自讀仍自斟
高情還自寫豈無數勿堂得志弗為也

處默為姚廷佐

鐘聲非不宏不扣常不鳴靈雞本司晨暮夜乃無聲自
鳴鐘不祥夜啼雞難遭烹在物尚如此況為物之靈處世
有至道片言不可輕興我與階亂聖訓何昭明十語九
中理一失禍所生所以不如默終身安且榮仰觀卷舌
星俯誦緘口銘直欲效瘖瘂匪但守如緘

浴鳧

僊人王子喬舊賜上方履雙雙化飛鳧翱翔雲霄裏吾
鳧居水中隻影不相比春風楊柳堤秋月芙蓉渚新蒲
細藻間浮游復容與朝在河之洲暮宿渭之溪孰云兩
脰短竟不致千里天然性好潔日日浴不已非是惜奇
毛不屑受泥滓彼為稻粱謀嗟喋禍所倚吾自愛吾鳧
網羅知免矣

齒落

我年六十一已落第三齒若更活數年所存知有幾剛
風著唇吻利與劍戟比豈待入腹中而後疾病起譬若
建重門一扉常自啟外侮窺其間孰禦而能止又若築
長堰隙穴不容蟻今已決尋丈不竭安肯已或言死與
生其機不在此不見張相國齒盡乃食乳髻亂若編貝
或有短折死此雖釋吾憂終焉非至理齒落竟何悲不
落亦何喜但願不腫痛叫號動隣里食物有所妨肴核

欽定四庫全書

吳文甫稿

九

宜棄置朝夕啖粥糜其味固自美出言有所妨對客宜
少語況我之所病正在傷煩易憶我初落時掩口含羞
恥只今落已慣與不落相似作詩記歲月亦漫戲云耳
同白巖諸公清涼寺避暑

寺出高城上已與塵世隔誰知眺遠人猶恨高未極眺
茲西北岑擘衣思峻陟初遶東岡行相顧戒勿亟叢篁
夾疎松蒼苔封斷壁捫蘿心尚恐踏磴足屢仄登頓自
忘疲攀援誰所迫山腰若稍平欲坐恨太窄倚樹憩重

陰於茲休足力回頭瞰其下點閣深莫測恍聞風雨聲
疑是蛟龍宅排雲更直上從吏不能掖藤蔓直垂肩巘
屹低礙額倏忽至絕頂一覽千峰碧始覺宇宙寬八荒
無畛域不知上去天還有幾千尺長江地底來祇見一
線白豈是禹鑿餘抑乃巨靈擘不然混沌初融液已無
迹風卷白雲飛山銜紅日星斗懸碧空一一手可摘
飛蓋結層軒翬翬若張翼持杯復高歌沈思還對奕豁
我千里眸愈我煙霞癖且勿論廢興俯仰懷疇昔

欽定四庫全書

吳文肅稿
卷一

十

從軍行

驅馬出長城天寒日色薄四顧寂無人黃雲暗沙漠疆
吏為予言雲中兵屢躋近入陽和川縱橫恣殺掠少壯
悉奔逃老弱填溝壑安得用韓范驚彼心膽落昨聞大
將軍自比衛與霍張燈召賓御置酒縱蒲博擲封狼居
胥單于隸蕃服此意豈不佳恐遂成疏略棘門荷戈者
兩手凍如束雪深饑不餐冰堅渴難鑿靖邊未有期凱
歌何日作欲歸歸未能未信從軍樂

送陳子居主政天津收糧

巍巍海邊度積粟半紅腐每歲猶轉輸道路日旁午蠟
揚隨沙塵漂流任風雨辛勤千里來輸十不得五田家
米如珠官倉賤如土豈是入官人不知作田苦今日好
分司豈弟民父母為國仍為民豈徒為小補

送李德崇

一別二十年顏面尚如舊豈惟不改顏長貧能固守自
烹陽羨茶旋酌金陵酒聊以叙契濶為問當時友半死

欽定四庫全書

吳文肅稿
卷一

十

半漂零所餘惟某某增予感慨懷停杯復低首翻思天
地間萬物無不朽人比物雖靈安得與天久棄置且勿
言君姑酌大斗

題畫

青青百尺松下有一畝陰南風吹松枝拂我膝上琴一
彈猗蘭操再鼓白雪音餘響入松去枝頭作龍吟

寄劉東山五首次國賢韻

去冬天苦寒平地一尺雪長安百萬家十五告糧絕誰

起劉司徒慰此民望融莫學謝東山令我心愁結

東山歸東山東山今益高荆薪煮白石心逸亡身勞清

風不用買明月時可招今日靖節翁何必仍姓陶

雅志在山水所至輒搜奇君山十二峰高深孰似之一

峰留一月周游歲為期山花與山鳥相熟亦相思

東山有耆叟古貌復古心古人不在今今孰為知音解

冠掛神武歸來卧山林白雲似相逆英英起前岑

白日未云暮青春先獨歸采蘭以為佩采荷以為衣釣

欽定四庫全書

卷一

七

魚不設餌况復為釣磯鷗鳥與公狎知公本無機

月下絲桐為閭大叅作下二首同

琴操古且澹殊無悅耳聲所以世俗人紛紛喜秦箏秦

箏雖悅耳安得如琴清對月一再鼓庶幾姮娥聽

藥圃晴耘

春初雨力肥藥圃發生早誰知百藥中亦自有惡草草

性易滋蔓藥苗易枯槁去草勿去遲趁此日杲杲

平蕪曉望

懷古視平蕪嘗聞少陵語今公復有懷所懷在何許前
望龍盤山道路修且阻草木鬱蒼蒼獨不見伊呂

五言絕句

東莊十八景為鮑菴先生賦

東莊在東城宛似江村裏翠竹護茆簷柴門映流水

莊

菱頭初刺人菱葉已零亂試問采菱歸作蔬運作飯

菱

欽定四庫全書

卷一

七

主人愛此君手植三十畝明月落空庭清風來短牖

田

地僻人踪少溪深樹影多遙看泊舟處斜日曬漁蓑

港

樹影連村暗荷香隔岸聞移舟向南浦驚散鷺鷥羣

港

雙井何人鑿村名今尚存試看欄石上或識漢文園

村井

稻畦如矩方畦疎收亦寡從知道人心不是喜圓者右方

春暖蠶初浴柔桑綠未勻小姬持酒果來祀馬頭神右桑

洲

細雨紅初熟薰風綠滿林采時留幾顆明日飼山禽右朱

徑

上岡振衣塵下岡恐還有不識岡上頭能容結茅否右振

岡衣

欽定四庫全書

吳文肅稿

古

流水繁林外迴波繞檻前天光與雲影不得直相連右曲

池

垂楊夾古岼容我寄輕舸莫向江湖裏驚風挾怒濤右艇

浜子

青青丘隴上曄曄紫芝芳衆草驚秋色雲根不著霜右紫

丘芝

仙桂從誰折橋名是處傳人言吳季子家住水東邊右折

橋桂

家近神僊宅蒼松一徑遙聞來弄泉石無意問參寥右金

古人已云徂今人思繼武應知後來人要以今為古右續

堂古

日暮荷鋤歸就此軒上息西疇猶未耕遲我養餘力右畔

軒息

煦煦依浮藻遙遙避釣釣濠梁隱君子知樂不知愁右魚

亭樂

欽定四庫全書

吳文肅稿

十五

寄儔弟

故國青山好春來夢不真去家雖太近猶是未歸人

題陶知州菊莊

愛菊因投紱柴桑亦任真誰知千載後復有姓陶人

聞李健齋斫牕前雙桐詩以言之

斫却青桐樹牆根自少陰流金日應鑠何物助清吟

題扇

茅屋藏深樹柴門對遠山主人多不出杖屨得常閒

五言律詩

宿安平驛

昔年逢險厄今夜宿安平流水船前過微風樹底生
入雲孤鳥影隔岸一蟬聲追憶檣傾日中宵夢亦驚

集天趣園二首

高丘構華屋物理近人情止水留雲影微風度鳥聲
委泥花有恨匝地草無名欲試登山屐崎嶇路不平

愛客頻移席張筵復傍池酒行常引滿坐久不知疲
風動花增媚雲開石獻奇休文才最富無藉雨催詩

欽定四庫全書

吳文甫集

十五

游觀音閣二首

石壁臨無地江流激有聲檣鳥依岸宿水鳥避人行
日度松陰轉風來暑氣平要知形勝在歷歷問山名

極目江波濶驚心沙岸摧倚巖誰構閣斷石自封苔
水鳥隨潮去風帆逆浪來江山千古恨盡付掌中杯

寄堵樂耕

兩地無千里誰能憶舊遊李邕歸北海徐穉卧南州
月

出微雲斂風來宿雨收羨君雙足健獨上水西樓

路僻書難寄官閒客亦稀卧聽黃鳥啼好看白雲飛
月暗燃藜杖風輕換葛衣南來纔一月無日不思歸

贈瀚姪

白屋無遺業青年自立家衆皆稱汝儉我獨惡人奢
客到惟供茗春來不種花有田仍負郭著意樹桑麻

春夜寒猶峭門前雪更深老子嘗獨坐謝子遠相尋
共說耕田樂能請聚族心大家聊自足何用積黃金

欽定四庫全書

吳文甫集

十五

新春寒甚兩雷連日雖於行路瀚姪省予南都八
日而後能至其勤甚矣侍間因問羣從治生之道
歷歷為我言之且為一二好游者
要其用心不亦厚乎因賦此以贈

送引之黃門兩廣勘事

一別成萬里此懷良黯然鳥聲人語雜山色水光連
禦瘴常攜樂調琴更解弦清風盈兩袖千古激貪泉

送程瑤

一夕金風動飄然振客衣自知橈尚早又逐燕先歸
水落江流急天寒樹影稀獨憐城上月不減舊清輝

別春

九十春光盡如君惜別何樹頭花片少林外鳥聲多撫
景頻移席怡雲獨放歌明年知此日還向客中過

次師惟明韻

西湖岸東畔上有故人居會數常憑夢情真少寄書直
鉤聊作釣大澤豈憂魚試問寒潭月年來虛不虛

聞三弟移居城中喜作

城郭依青嶂門牆帶碧流出遊無十里來往有孤舟鰕

錄定四庫全書

吳文肅稿

十八

菜隨時具詩書不遠求已聞開小閣何必更高樓

書李時馨扇

初夏天猶冷疎簾日漸長讀書窮壺典問字識偏旁對
案常忘食樞衣屢上堂取青如拾芥老我有余光

題沈克寅扇

功名無捷徑學問有階梯夜寢常看月晨興每聽雞要
從年少日思與古人齊老我猶看鏡衰年更噬臍

題林廷振扇

前舟泊沙汀早發不相待岸口樹陰多天邊風色改撫

几對青山何須更滄海同時採珠人今有幾人在

北望

煙火千家瘴霜風十月天羣臣不從駕八駿自巡邊日
落孤城遠雲低朔漠連翠華何日返黔首得安眠

朝天宮習儀回道中口占一首

翠華前日出戎輅幾時還綿叢依窮塞蒿呼出遠山雲
迷青瑣闥月照玉門關漢檻嶙峋在憑誰許一攀

錄定四庫全書

吳文肅稿

十九

船牕對月

船牕看月出光彩射人眸水底魚龍避林間魍魎愁影
分雲外樹波動驛邊樓五月江湖上蕭然似早秋

送李司徒

南國佳山水悠悠未遍遊棲霞聊試屐靜海雙停舟道
梗誰能進身輕不用憂勸公無入險一月住揚州

送萬生潤

至日關將閉明朝客欲歸一身依棘寺百里問庭闈水

落溪聲靜霜寒樹影稀故鄉如問我老病不勝衣

聞渡江諸親過險驚歎有作

記得江頭別忽忽又一年船開官渡口帆落寺門前不
守垂堂戒翻思彼岸懸近傳消息到令我意茫然

送唐黃門

國計勞神算邊儲較從臣回頭青瑣近隨路綠衣新庚
嶺風迎節清湘月照人此行成萬里樽酒莫辭頻

寄王子麟潘惟喬

欽定四庫全書

吳文淵編

子

扁舟君送我恨不送君還雨過添新水雲飛戀舊山客
牕長畏病宦轍幾能閒雙騎何時到秋風為啟關

次乾菴先生煨橘韻

白雪枝頭蓋黃金葉底團既疑為火齊復認作冰丸
冷熱隨時改調和適口難爐中方就灼掌上復傳看
軟比雞頭肉圓如鶴頂丹瓢虛還可剖核小豈容
鑽追念致來遠還憐味帶酸殷勤重鄉味常貯水晶
盤

七言律詩

元宵應制二首

一年好景上元多又送春聲到踏歌燈照九衢通禁苑
月明雙闕近銀河虹橋影裏龍旗動琪樹陰中鳳輦過
歡樂不忘民疾苦皇華遠近布陽和

玉宇瑤樓入望餘五雲長護帝王家魚龍出沒燈前戲
桃李芬非火底花風吹聲低風力細雲和泰罷月輪斜
兒童未識昇平象咲指祥光作曉霞

欽定四庫全書

吳文淵編

主

國賢憲副見寄次韻二首

留都無處不堪游何獨雞鳴與覆舟澹澹煙籠淮水月
疎疎雨送秣陵秋城邊好景看將遍野外荒祠弔未周
已約詞林諸老宿肩輿九月上牛頭
散地偏宜著非才清時誰合過江來庭前起雨移松栢
屋後先秋去草萊紀德謾尋前代石讀書還憶舊時臺
故人相去無多路時見虹光燭上台

聞石田遊荆溪欲觀予所藏小畫以詩迎之